



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm I. Ad hæc.

[urn:nbn:de:hbz:466:1-62559](#)

ex grauioribus causis sint, Rom. Pontifici referantur, c. quod translationem 4. de offic. Legati, c. 3. de Baptismo. Ad alias vero inferiores ecclesias, aut dignitates postulationem Episcopi & similes ecclesiastici Prælati admittere possunt, ad quos confirmatio spe-
cta; dum modò in defectu dispensare queant. Quamobrem si quispiam ad dignitatem, cui cura animarum annexa est, postuletur, qui xxii. etatis annua non compleuerit, non potest eam postulationem Episcopus admittere; cum in etate iure communis canonico ad ordines vel beneficia requisita dispensare non posset, ut colligitur ex c. vn. de etate & qualitate in 6. iuncto Trident. Concil. Ses. 24. cap. 12. de reform. Videri potest Joan. Andr. in cit. c. vlt. n. 11. & seqq. Syl. ver. postulatio q. 5.

CAPITVLUM I.

Ad hæc.

PARAPHRASIS.

Mortuo Sennonensi Archiepiscopo, Cano-
pici, tametsi in primis super electione Archiepiscopi conuenire non possent, & ideo aliqui eorum ad Pontificem appellas-
sent: postea tamen inter se conuenientes, Altissiodorensim Episcopum in Archi-
episcopum postularunt, per Magistrum R. Præcentorem & Abbatem S. Petri pe-
tentes ab Innocentio III. ut facienda transla-
tioni pium præberet assensum. Sed Inno-
centius ante cognoverat, Episcopum Altissiodorensim interdictum, ob super-
inductam à Rege Philippo Mariam Mo-
rauia Regis filiam, in Galliæ regnum
promulgatum Anno Christi 1198. non
obseruasse: quod neque Procuratorum
alter Magister R. negauit; sed excusationem
attruit, quod interdicti sententia nec
per Pontificem, nec per Cardinalem A-
postolicam Sedis Legatum, qui interdi-
ctum promulgarat, nec per deputati ab eo
executoris litteras, aut mandatum, Epi-
scopointimata fuisset. Quæ tamen excue-

satio reiicitur à Pontifice, tanquam non sufficiens, nec proficiens: cùm interdictū à Legato Sedis à latere presentibus multis solemniter ac publicè promulgatum fuerit; & multi in regno Francorum illud publicè obseruare cœperint: Neque enim uero necesse est, constitutionem so-
lemniter ac publicè promulgatam singu-
lorum etiam auribus per literas aut man-
datum speciale, inculcari: Sed cùm pri-
mū quispiam publicam & solemnem
promulgationem constitutionis aut sen-
tentiae cognouerit, ad eius obseruationem
obligatus est, prout etiam constat ex c.
quod dicitis 14. d. 16. Sed neque id valet
ad Episcopum excusandum, quod Rex in
Altissiodorensi diœcesi propriam terram
non habeat: Cùm Pontifex mandauerit,
totam Regis terram subiici interdicto, id-
que mandatum interpretatus Legatus, in
omnem terram, quæ eo tempore Regi ad-
hærebat, interdictum promulgaret. Sed &
inde constat, dictum Episcopum excusari
non posse, quia cùm ipse videret ab Eccle-
sia Metropolitana interdictum recipi &
seruari, suam ecclesiam conformare debe-
bat. Quamobrem Innoc. Papa postulatio-
nem reiecit, tanquam indignam. Tametsi
vero Canonici, eò quod indignam personam,
quippe interdicti ecclesiastici viola-
gorem postularint, concessa sibi facultate
abusus fuerint, & ideo non immerito pro
ea vice, priuari potuerint, tamen ex solita
benignitate Pontifex ipsis concedit, ut
per canonica electionem aut postula-
tionem ecclesiæ suæ personam idoneam
prouideant.

SUMMARIUM.

1. Ob graue & publicum delictum seu Communitatis, seu eius qui Communi-
nitati preest, accidente contumacia, terra eius generali locali interdicto sub-
iici potest.
2. Contra promouendum, ordinandum, &c.
(ne indignus promouatur, ordine-
tur, &c.) Superior etiam nullâ prece-
dente

D

dente

dente infamia aut querela, ex officio inquirere debet.

3. Constitutio aut sententia generalis Papæ quamprimum publicè & solemniter promulgata est, vim habet obligandi omnes, ad quos fertur, & quidem actualiter sub peccato singulos, qui quomodo cunque certam notitiam legis, aut sententiae promulgatae acceperint, licet eis per literas, aut mandatum legislatoris, vel executorum eius intimatum non sit.
4. Qui interdictum loci scienter ac temere violavit, eligi aut postulari non potest ad Praelaturam.
5. Qui indignum scienter postulant ad Praelaturam, ea vice priuatis sunt potestate postulandi & eligendi.

NO T A N D V M I. Ob graue & publicum delictum seu Communitatis, seu eius qui Communitati præst, accidente contumacia, terra eius generali locali interdicto subiici potest. Ita colligitur ex hoc c. & habetur in c. non est 11. de sponsal. & ex communi docet Syl. ver. interdictum 3. q. 5. Couarr. in c. alma, p. 2. §. 1. n. 4. Suarez de cens. disp. 3. 6. fæct. 3. n. 6. & docui lib. 1. Th. moral. tr. 5. p. 4. cap. 4. n. 4.

NO T A N D V M II. Tametsi contra promouendum, aut promotum inquisitio in ordine ad punitionem institui non posuit, nulla præcedente infamia, c. qualiter 24. de accusat. Si tamen ab id tantum magatur, ne indignus promoueat, tum Superior, etiam nullo præcedente infamia, aut querela, ex officio inquirere debet, vti colligitur ex hoc c. & c. cum nobis 19. de elect. & tradit Innoc. hic n. 5. Anton. de Butrio n. 50. Abb. n. 34. Nauarr. in rubr. de iudic. n. 92. Th. Sanchez lib. 3. de matrim. disp. 14. n. 2. Vbi idem eadem ratione docet de admittendis ad Ordinis Sacramentum, adeò vt ipsi etiam ordinandi, si de indignitate, aut impedimento occulto interrogentur, illud confiteri teneantur, aut à petitione ordinum abstinere, vti colligitur ex c. nisi cum pridem, 10. iun. Gl. ver. non potuerit, de renunc. Item de coniungendis in matrimonij Sacramento, quod eius impedi-

mentum sateri teneantur, aut à matrimonio desistere. Et n. 3. defendit idem Sanchez consuetudinem tribunalium, secundum quam, etiam exacto iuramento, examinatur personæ, quibuscum super matrimonij impedimento dispensandum est, num se carnaliter cognoverint spe impetranda facilius dispensationis: Tenentur enim contrahere volentes confiteri fornicationem aut incestum, etiam occultum: quia non eo res tendit, ut punitur, sed ne dispensationis gratia obrepitia & irrita reddatur. Vide etiam, si placet, Nauarr. in consil. 10. de consanguin. edit. 2.

NO T A N D V M III. Constitutio aut sententia generalis Papæ cum primum publicè & solemniter promulgata est, vim habet obligandi omnes, ad quos fertur: Et ad obligationem actualiem, siue vt ad observationem singuli sub peccato astringantur, sufficit quomodo cumq; certam notitiam legis aut sententiae promulgatae accepisse: tametsi singulis per literas, aut mandatum Legislatoris, vel executorum eius intimatum non sit. Ita habetur hic in textu, vbi Gl. ver. publicè promulgauerit, & explicat Abb. hic n. 9. Sanchez allegato hoc c. lib. 9. de matrim. disp. 32. n. 3. & 4. Gail lib. 2. obseru. 48. n. 15. & 16. & videri possunt, quæ dixi lib. 1. Theol. moral. tr. 4. cap. 2. Rectè etiam in hoc c. ad tollendam Episcopi Altissiodorensis excusationem, estimauit Pontifex Innocentius III. quod interdictum in regno Franciæ à multis cœpisse, obseruari, & quidem etiam in ecclesia metropolitana, cui Episcopus se conformare debuerat. Alioquin enim excusationem aliquam afferre posset, si Episcopus aliquis siue Praelatus, legem aut sententiam generalem Pontificis Romæ aut alibi promulgatam, ad suam autem diœcesin cum mandato obseruandi specialiter non destinatam, obseruari non curauerit, eo quod intelligat neque vicinos Episcopos, præsertim Metropolitanum, receperisse, aut seruare. Qua de re videri possunt quæ dixi in cit. tr. 4. cap. 3.

NO T A N D V M IV. Sicuti Iudeus quilibet orto dubio circa intellectum legis, eam interpretari potest, vt sciat, quomodo sententiam ferre debeat, l. non possunt 11. ff. de le- gibus;

gibus: Ita etiam Legatus, seu delegatus Principis in dubio interpretatur rescriptum seu mandatum Principis, ut appareat, quomodo illud exequi, seu in commissa sibi causa procedere eum oporteat, vti ex hoc textu colligitur, & ex c. super literis 20. in fine, de rescriptis, & annotauit Innoc. h̄c n. 6. Ioan. Andr. n. 28. Abb. n. 18. qui tamen recte excipit: Nisi dubium difficile & arduum, magni-
pit: Nisi dubium difficile & arduum, magni-
pi momenti sit: tum Princeps consulendus erit.

Sed difficultas est, quomodo mandatum Papæ interpretari potuerit Legatus, vt etiam ad diœcesin Altissiodorensem extenderetur: Nam Pontifex mandauerat terram Regis Gallia subiecti interdicto: At verò in diœcesi Altissiodorensi Rex propriam terram non habuit, vt in textu significatur: Ergo non potuit extendi. Glossa h̄c ver. terram propriam, Innoc. h̄c n. 6. Abb. n. 27. Syl. ver. interdictum 2. n. 3. dant duas responsiones: Prima est, quod Legatus mandatum de terra Regis Francia interdicenda, interpretando extenderet ad terras, quæ ipsis favorem, consilium, auxilium præstiterunt. Sed hæc interpretatio iuridica non fuisse, neque à Pontifice approbata. Quia nec poena, neque mandatum de poena inferenda, extendi potest ultra terminos suos, nisi extensio ea in iure expressa sit, prout ex communī tradit Suarez de censur. disp. 32. sect. 2. n. 29. ubi ait, quod aliqui dicunt, si terra Principis delinquentis interdicatur, comprehendendi etiam terras communicantium in delicto, aperte falsum esse. Et Abb. h̄c n. 29. tradit; In fœdere publico inter Principes inito non inuadendi, aut offendendi terras alterius, non censeri comprehensas regiones adhærentium auxilio, nisi & ipsis exprimantur, vt in c. 2. de sent. & re iudic. in 6. Inde verò sumitur argumentum; si in materia favorabili, & vbi æquitas talen comprehensionem auxiliantium postulat, extensio ad eos non sit ultra verbā in fœdere expressa, multò minus ea fieri debet in materia odiosa sive poenali.

Altera & melior est interpretatio: Quod terra diœcesis Altissiodorensis, quoad dominium proprietatis ad Regem Gallie non per-

tinebat, sed tantum quoad dominium iurisdictionis altæ sive supremæ: Id verò sufficere videbatur Legato, vt ia interdicto generali terræ regni Gallie comprehendendi deberet, argum. c. sanè 1. in fine, de officio delegati, vbi dicitur, propter delictum Episcopi terram eius iurisdictioni spirituali subiectam, interdicti posse. Eadem verò est ratio de terras subiecta iurisdictioni temporali alicuius domini delinquentis, & in delicto contumaciter perseuerantis.

N O T A N D V M V. Qui interdictum loci scienter ac temere violauit, eligi, aut postulari non potest ad Prælaturam: quia suspensionem contraxit, imo irregularitatem, vti h̄c Gl. nota ver. personam, Gl. in c. postulatis 7. ver. celebrare, de cler. excomm. ministr. Syl. ver. interdictum 5. n. 6. Suarez de cens. disp. 34. sect. 4. n. 14. & sumitur ex c. ylt. de excess. Prælatorum, & docui pluribus allegatis Th. mor. lib. 1. tr. 5. p. 4. cap. 3. poena secunda.

N O T A N D V M VI. Qui indignum scienter postularit ad prælaturam, ea vice priuati sunt potestate postulandi, & eligendi. Ita Glossa h̄c ver. priuare, quam ibid. sequitur Innocent. & Ioannes Andr. Abb. n. 31. & alij communiter. Ratio dari debet, quia ita de eligentibus scienter indignum statutum est in Concil. generali sub Alexandro III. c. cum in cunctis 7. de elect. Cum itaque electio & postulatio in iure æqui parata censeantur, tanquam tendentia ad eundem finem, ideo statutum de uno, etiam in materia poenali, accipi debet, vt etiam sit statutum de altero, secundum receptam doctrinam Gl. in c. si postquam, 32. ver. prouisione de elect. in 6. & inter alios docet Nauarr. in c. poenæ n. 12. d. 1. de poenit. Idcirco Innoc. III. non tam ius novum condendo, quam vetus interpretando, rescriptis h̄c, & expressiis in c. seq. & in c. scriptum 40. in fine, de elect. postulantes scienter indignum, ipso iure pro ea vice priuatost esse.

Neque obstat, quod in textu huius c. dicit Pontifex, quoniam Canonici permisæ sibi licentia abusi fuerint, quod eos non immoriori priuare posset. Explicari enim debet,

Dd 2 ex do-

ex doctrina Ioan. Andr. vt sensus sit, quod eos priuatos meritò declarare potuerit. Nam iura ita interpretari conuenit, vt cum aliis iuribus consentiant, c. cum expeditat 29. de elect. in 6. Cum itaque ex e. seq. & cit. e. scriptum, priuationem ipso iure incurri ob postulationem indigni, aperte constet, ideo eodem modo hic accipere debemus. Accedit in confirmationem, quod Papa non concederet postulandi aut eligendi facultatem, nisi eam Canonici amisissent.

CAPITVLUM II.

Gratum.

PARAPHRASIS.

Postquam Papa Innocent. III. Canonicorum Senonens. postulationem factam de Altisiodorensi Episcopo reiecit, vt in c. præ. vidimus, ij literis apostolicis subdolè suspensis, mandante Legato Cardinale ad electionem iterum cōvenerunt: Et plures eorum eundem Altisiodor. Episcopum, quem Papa reiecerat, & suspensum declarauerat, denuò postulârunt; aliis numero paucioribus Episcopum Cameracensem in Archiepiscopum postulantibus. Legatus vero cùm intellexisset, Canonicos qui à Pontifice reprobata postulationem renouare præsumebant, eligendi priuilegiū amisisse, quod concessa sibi ex Apostolicæ Sedis potestate temerè abuteretur, ideoq; ad alios sanioris cōsilij, licet numero pauciores, eligendi & postulandi deuolutam esse facultatem, dictum Episcopum Cameracensem ad eorum postulationem, in pastorem ecclesiæ auctoritate Apostolica fretus ordinavit. Ideo Pontifex illum à solicitudine ecclesiæ Cameracensis absoluit; & quæ à Legato ex mandato Papæ acta sunt, Apostolica auctoritate confirmat.

SUMMARIUM.

1. Qui postulationem de persona indigna temere factam, & ob vitium personæ refutatam innovant, aut repertunt, concessa sibi eligendi & postulandi facultate, pro e. vice priuati sunt.
2. Si aliqui ex Capitulo priuati sint eligē-

di vel postulandi potestatis iota hac postulatis in aliis, quāvis numero pauciores sint, residet; imò si unius tantum ad se è Capitularibus, aliis omnibus mortuis, priuatis, aut suspensis, solus Prelatum eligere vel postulare potest.

3. Licit in uno iuxta Collegiū residere possim, Collegiū tamē, seu corpus Collegiū actu, & secundum proprietatem non manet.
4. Si omnes mortui sunt, iura collegialia, vii sunt tituli beneficiales, alii esse desinunt, realia autem siue localia inherent loco, & ecclesiæ materiali.
5. Licit ius eligendi penes unū residere possit, non potest tamen is seipsum eligere.
6. Legatus Sedis Apostolica (licet à laice etiam sit) ex iure tantum speciali, non communi, potest instituere translationem Episcopi ad aliam sedem.

NO T A N D V M I. Qui postulationem de persona indigna temere factam, & ob vitium personæ refutatam innovant, aut repertunt, concessa sibi eligendi & postulandi facultate, pro ea vice priuati sunt. Ita Ioan. Andr. Anton. Abb. in notandis, & est principalis intentio huius c. Ratio dari debet: Quia priuilegium restituens aliquos ad id, quod ex iuriis communis dispositione amiserant, non plus tribuit, quam amissum sit; quia restitutio est iuris amissi recuperatio. Atqui secundum ius commune ita competit Canonicis ius eligendi & postulandi, vt si personam indignam postulent, tali facultate priuati existant, c. cùm in cunctis 7. de elect. c. scriptū 40. cod. Ergo etiam priuilegium seu indulgentia speciali benignitate datum Canonicis, vt nō obstante vitiis ab ipsis facta postulatione aut electione (est enim vtriusq; eadem ratio, vt ex præ. c. constat) ad aliam electionem, postulationem, ue accedere possint, ita intelligi debet, vt si personam indignam postulent, vel, quod idem est, imò deterius, priorē personę indigne postulationem renouēt, denuò priuati existant.

Obiicies: Qui priuilegio sibi concessa abutitur, is meretur quidem, vt eo per iudicis sententiam priuetur, sed non ipso facto, seu ipso iure priuatus censetur, vt colligitur ex regula, ad quam Innocent. III. Papa